

Յ. Ս. ԿԵՂՈՐԿՅԱՆ

ՄԻՋԱԶԳԱՅԻՆ ԱՇԽԱՐՀԱԳՐԱԿԱՆ ՄԻՈՒԹՅԱՆ (ՄԱՄ)

ԵՎՐՈՊԱՅԻ ՌԵԴԻՈՆԱԿ ԿՈՆՖԵՐԱՆՍԻ ՄԱՍԻՆ

1971 թ. օգոստոսի 10-15-ը Բուդապեշտում կայացավ ՄԱՄ-ի Եվրոպայի ռեգիոնալ կոնֆերանսը: Կոնֆերանսին մասնակցում էին 1000-ից ավելի աշխարհագրագետների Եվրոպայի, ինչպես նաև Ասիայի ու Ամերիկայի ավելի քան 40 երկրներից: Սովետական Միության պատվիրակության կազմում կար 120 աշխարհագրագետներ, որից 10-ը Հայկական ՍՍՀ-ից:

Կոնֆերանսի աշխատանքները համընկան Հունգարիայի աշխարհագրական ընկերության հիմնադրման 100-ամյակին: Կոնֆերանսի բացումը տեղի ունեցավ Բուդապեշտի կոնգրեսների պալատում. այն բացեց Հունգարիայի դիտությունների ակադեմիայի նախագահ Էրդեյ-Գրույ Տաբորը: Հունգարիայի կառավարության անունից կոնֆերանսի մասնակիցներին ողջունեց ՀԺՀ-ի Մինիստրների խորհրդի նախագահի տեղակալ Մ. Այտային, Բուդապեշտի գործադիր կոմիտեի անունից՝ նրա նախագահ Զ. Սեպվելդին: Հունգարիայի աշխարհագրական ընկերության 100-ամյա գործունեության մասին ղեկուցումով հանդես եկավ նրա սյրեղիդենտ Լաուր Կադարը: Նա հանդամաներեն բնութագրեց ընկերության գործունեության հիմնական էտապները և հատկապես նշեց երկրորդ ժողովրդա-դեմոկրատական կարգի հաստատվելուց հետո հունգար աշխարհագրագետների ներդրումները ժողովրդատնտեսական կարևոր պրոբլեմների լուծման գործում: ՀԺՀ-ի կառավարությունը բարձր գնահատելով ընկերության կատարած աշխատանքը, նրա ղեկավարներին ընկերության 100-ամյակի կապակցությամբ պարգևատրեց երկրի բարձրագույն շքանշաններով: Հունգար աշխարհագրագետներին այդ կարևոր տարելիցի առթիվ ողջույնի հերմ խոսքեր ասացին տարբեր երկրների և կազմակերպությունների պատվիրակները: Սովետական Միության աշխարհագրագետների կողմից ողջույնի խոսք ասաց պրոֆ. Կ. Սալիշչևը: Հայկական աշխարհագրական ընկերության կողմից հունգարական աշխարհագրական ընկերությանը հանձնվեցին հուշանվերներ՝ ՀՍՍՀ-ի ատլասը, «Հայաստան» մենագրությունը և այլն:

Օգոստոսի 11-ից կոնֆերանսի 7 սեկցիաներում («Մարդը և միջավայրը», «Եվրոպայի ռելիեֆի դինամիկան և նրա էվոլյուցիայի կանխատեսումը», «Ռեգիոնալ պարզացումը, ռեգիոնալ պլանավորումը և աշխարհագրական միջավայրը», «Թեմատիկ քարտեզագրումը Եվրոպայում», «Գյուղատնտեսության տուպոլոգիան և գյուղական բնակավայրերը», «Ուրբանիզացիա», «Աշխարհագրության դասավանդման մեթոդներ») լսվեցին և քննարկվեցին շուրջ 250 ղեկուցումներ՝ նվիրված ժամանակակից աշխարհագրության հրատապ հարցերին: Կոնֆերանսի տարբեր սեկցիաներում ակտիվ մասնակցություն ցուցաբերեցին հայ աշխարհագրագետները: Ֆիզիկա-աշխարհագրական շրջանացման ենթասեկցիայի նախագահներից մեկն էր հանդիսանում ՀՍՍՀ ԳԱ թղթակից-անդամ, պրոֆ. Ս. Բ. Բաղդասարյանը: Հայ աշխարհագրագետները կոնֆերանսում կարգացին 7 ղեկուցում (ներկայացված էր 8-ը): Վեներային լսողշափսիները և հան-

գատի պրոբլեմները» թեմայով զեկուցում կարդացին Ա. Բ. Բաղդասարյանը և Ռ. Հ. Բաղդասարյանը։ Ա. Բ. Բաղդասարյանի, Լ. Հ. Վալեսյանի և Ն. Ց. Բարսեղյանի համատեղ զեկուցումը նվիրված էր սպտադրական կոմպլեքսների քարտեզագրման փորձին։ Արդի լեռնային երկրների ջրային տնտեսության աշխարհագրական պրոբլեմներին էր նվիրված Լ. Հ. Վալեսյանի զեկուցումը։ Հ. Ղ. Գրգեարյանի և Ռ. Հովեսյանի զեկուցումը նվիրված էր սպասարկման ոլորտի քարտեզագրման փորձին։ Պրոֆ. Հ. Կ. Գաբրիելյանի զեկուցումը նվիրված էր Կովկասի ղենուդացիայի քանակական բնութագրմանը։ Պրոֆ. Ս. Պ. Բալյանի զեկուցման մեջ հանգամանորեն վերլուծության ենթարկվեցին Հայկական լեռնաշխարհի մորֆոստրուկտուրայի հիմնական գծերը և առանձնահատկությունները։

Կոնֆերանսում քաջվել էր ուսույասների, քարտեզների և աշխարհագրական դասագրքերի հարուստ ցուցահանդես։ Բացի կոնֆերանսից, Բուդապեշտում և Երկրի մյուս քաղաքներում (Դեբրեցեն, Պեչ, Սեգեդ, Վեսպրեմ) կազմակերպվեցին սիմպոզիումներ տարբեր պրոբլեմների շուրջը (Դանուբի, կարստի մորֆոգենեզի, լյոսի, գյուղատնտեսության տիպոլոգիայի և գյուղական բնակավայրերի, տնտեսության ռեգիոնալ զարգացման բնական գործոնների և այլն)։ ՄԼՄ-ի «Մարդը և միջավայրը» հանձնաժողովի կողմից կազմակերպվեց նաև սեմինար «Տարերային աղետներ» թեմայով։

Կոնֆերանսի, սիմպոզիումների, ինչպես նաև էքսկուրսիաների ընթացքում տեղի ունեցավ մտքերի աշխույժ փոխանակություն տարբեր երկրների մասնագետների միջև։